

أش تنديرو؟



أنشطة أجيو نبدلو القانون

تانفهو القانون، تانديرولو التقييم
انطلاقا من معانتنا وتطلعاتنا،
تانتلاقا مع المسؤولين أوتحاولو
نقنعوهم باش يبدلو القانون، تا
نتواصلو مع الناس أو
تانفهمولهم علاش بغينا القانون
يتبدل.

أنشطة انقويو ريوسنا

تانشرحو لبعضياتنا المساطر
القانونية انطلاقا من تجربتنا،
تانتكونو فالقوانين اللي عندها
علاقة بحقوقنا، تانستافدو من
ورشات اللي تاتساعد في
استرجاع الثقة بالنفس.



أنشطة ما يقيتيش بوحدك

تانوفرولك الامكانية باش تديري العلاقات مع النساء اللي بحالك،
تايسموليك أوتيفهمو وضعيتك، تا يساندوك تايحميوك. الى خفتي
تمشي للمحكمة، حيث راجلك تا يتعرضليك فالباب ديالها بلا ما
يتدخلو البولوس، يمكن ترافقك مجموعة ديال العضوات

أنشطة نتعاونو فالأطفال ديالنا

النساء اللي قاريات تا يعاونو
الأطفال ديال النساء اللي
مقارياتش باش يوجدو دروسهم،
المرآ اللي مامشغولاش تاتقبط
الطفل ديال المرآ اللي مشغولة .
تانظمو أمشطة ترفيحية ديال
الأطفال.



"أنشطة" نتواصلو مع الناس

: تا نوعيو الناس على العنف و الآثار ديالو عبر
المشاركة فأنشطة ديال التعبئة لصالح حقوق النساء
.أشرطة فيديو : تانعاودو فيه على تجربيتنا مع العنف

لقاءات وأنشطة تواصلية مع الصحافة ، المسؤولين اللي خدامين مع
النساء ضحايا العنف ، الشباب و الشبابات

مجموعة ولينا مناضلات



شكون حنا؟

حنا ناجيات من العنف، استعملنا
الخدمات ديال مركز البطحاء المتعدد
الاختصاصات لتمكين النساء.
كنأمنو بقييم المساوات، احترام الآخر،
التشارك والتعاون، وعدم التسامح مع
العنف.

تا نتعاونو باش نحسنو الظروف ديال
حياة النساء وأطفالهم.



شنو هو التغيير اللي بغينا؟

تا نعاونو فخلق مجتمع اللي فيه النساء
والرجال بحال بحال و فالفرص والمسؤوليات.
مجتمع تيعطي للمرأ والراجل الحق باش
يقرر فمصيرو، جسدو ومستقبل اولادو.
مجتمع تا يرفض العنف أو تا يحمي و يدعم
النساء ضحايا العنف و أطفالهم

شنوهيا أهدافنا؟

نوعيو الناس بالعنف اللي تا يمارس على
النساء والأثار ديالو.

نقويو قدرات النساء وأطفالهم.

يفهمو المسؤولين المشاكل اللي كاينة
فالقوانين، اللي تا تضر النساء بحالنا،
ونقنعوهم باش يغيروها.

نحميو ونعاونو النساء وأطفالهم.

نخلقو الامكانية باش يتعارفو النساء اللي
بحالنا مع بعضياتهم.